

漳州府志卷之二十四

宦績一 乾隆志卷三十二

唐至元

有秩官斯有宦績宦績者秩官之遺愛也有循吏之績焉文翁之化蜀黃霸之治潁川是也有廉吏之績焉劉寵受父老一錢孟嘗還合浦之珠是也有一時之績焉龔遂之治盜趙抃之救菑是也有百世之績焉白公之渠僕射之陂是也甘棠且愛之况其人乎作宦績傳

○唐

嶺南行軍總管

漳州府志

卷之二十四

宦績一

一

陳政

陳政字一民光州固始人父克耕從唐太宗攻克臨汾等郡政以良家子從征功拜玉鈐衛翊府左郎將歸德將軍高宗總章二年泉潮間蠻獠嘯亂民苦之僉乞鎮帥有威望者以靖邊方朝廷以政剛果敢爲而謀猷克慎進朝議大夫統嶺南行軍總管事鎮綏安偏裨自許天正以下一百二十三員俱稟號令詔曰莫辭病病則朕醫莫辭死死則朕埋比至鎮百凡草創備極勞瘁羣蠻來侵自以衆寡不敵退保九龍山奏請益兵朝命以政兄敏暨兄敷領軍校五十八姓來援敏敷道卒母魏氏

多智代領其衆入閩乃進師屯禦梁山之雲霄鎮邊徼
寧弭因作宅於火田村居焉嘗渡雲霄指江水謂父老
曰此水如上黨之清漳以漳名郡本諸此鳳儀二年四
月卒子元光

刺史

陳元光 韓 泰 柳少安 張 登

陳元光字廷炬生而敏異長博通經史尤耽黃石公素書
及太公韜畧自著兵法射法服習之年十三領鄉薦第
一總章二年隨父領兵入閩父卒代領其衆會廣寇陳
謙連結洞蠻苗自成雷萬興等進攻潮陽陷之守帥不

漳州府志

卷之二十四

宦績一

一一

二百九十三

能制元光以輕騎討平之永隆二年盜起攻南海邊邑
循州司馬高琬受命專征檄元光潛師入潮沿山倍道
襲寇壘俘獲以萬計嶺表悉平還軍於漳事聞進正議
大夫嶺南行軍總管嗣聖三年上疏言周官七閩宜增
爲八請建一州泉潮間以控嶺表委刺史領其事朝議
以遐僻之地萬一遣官不諳土俗民反受其殃元光父
子久牧茲土蠻民畏懷卽令其兼轄尤便詔從之給告
身俾建郡邑於綏安地進中郎將右鷹揚衛率府懷化
大將軍仍世守刺史自別駕以下得自辟置元光復疏
薦部曲子弟馬仁等有幹畧請受爲司馬等職詔從之

乃率衆闢地置屯招徠流亡營農積粟通商惠工奏立行臺于四境時巡邏焉由是北距泉興南踰潮惠西抵汀瀨東接諸島嶼方數千里無烽火之驚號稱樂土先是葬父于雲霄之山術者賀其地有王氣元光曰是何言亟移厝之大溪峰後復葬祖父母于半徑山守制三年帥事一付別駕許天正已而蠻寇雷萬興苗自成之子糾黨復起于潮猝抵岳山元光聞報遽率輕騎禦之援兵後至爲賊將藍奉高刃傷而卒時景雲二年十一月也百姓哀號相與制服哭之權葬于綏安溪之大峙原事聞詔贈豹韜衛鎮軍大將軍開元四年徙州李鴻

漳州府志

卷之二十四

宦績一

三

五百二十五

川詔立廟賜樂器祭器建盛德世祀之坊以表之貞元二年復徙州治龍溪勅有司改葬於州北九龍里松洲保之高坡山春秋饗祀明初封昭烈侯子珣孫謨詠詳

見人物列傳

前志云按浦志公歿子珣聞于朝詔贈品秩并賜諡云以身殉國之謂忠戰勝攻取

之謂毅引薦善類之謂文也普播仁恩之謂惠也豹韜鎮軍大將軍兼光祿大夫中書左丞臨漳侯諡忠毅文惠之諡若杜如晦封德彝按唐志太常諡法駁議嚴宰臣之諡如晦封德彝陳叔達溫彥博等諡皆頗一字吏部尚書呂諲卒有議贈諡忠肅者獨孤及駁耶鎮軍大將軍武階二品光祿大夫文階二品兼秩爲贈或出特典而唐官制有尚書左丞中書無丞前志據家譜書之今並闕疑

前志論曰總章以前漳地未闢建堡設屯實首陳歸德

將軍遂扼閩粵之吭開千百世衣冠文物元光繼之始置方州式廓疆土澤流海邦書策所載邈焉寡儔後人以州置自元光忘厥初基祀元光而弗及其父政與泝流忘源何以異故因浦志所編首宦績于政秩官刺史則仍舊志首元光俾後之人知所自始焉又曰淳祐志稱陳元光父子奉命討賊掃除兇醜又爲之立郡縣置社稷捐軀殞命而後已唐史闕而不載使豐功鉅烈無傳有遺憾焉然而累代之褒崇廟食百世河山不改惠烈無窮奚必乞靈劉昫子京諸人而後有光哉

漳州府志

卷之二十四

宦績一

四

四百〇一

韓泰字安平初爲戶部郎中以附王叔文貶虔州司馬歷漳州刺史穆宗長慶元年韓愈刺袁州舉泰自代狀云泰自領漳州悉心爲治官吏懲懼不敢爲非百姓安寧並得其所臣在潮州之日與其州界相接臣之政事遠所不如乞以代臣庶爲允當謹錄奏聞其彊爲善以蓋前愆概可見矣

柳少安建中三年以秋官員外郎刺州事先是州將陳艷卒子謨初政不協輿情詔以少安爲刺史謨改中郎將檢校本州別駕少安精于天文地理嘗按部至龍溪顧謂謨曰此縣可建州治大江南旋而東注諸峰北環而

回顧且本州屬地也興元元年具疏請于朝未允貞元二年少安以天官郎中徵赴司勳部事謨白于觀察使盧碁卒成其志今所移府治是也精鑒特識開一郡文明風氣自少安始焉

張登性剛潔介特始以巾褐就辟歷衛佐廷尉平鑒察御史貞元中改河南府士曹椽遷殿中侍御史漳州刺史居七年坐公累受劾吏議侵誣感疾卒權德輿序其文甚詳以公幹景陽比之國史亦稱登長于小賦氣宏而密閒不容髮有織成隱起結綵蹙金之狀其舊集詩賦雜文合一百十二篇

見文獻通考三百二十三卷

漳州府志

卷之二十四

宦績一

五

二百七十七

舊志論曰唐自建州縣以來前政君子皆不脩郡志前此所傳刺史陳鷹揚一人耳若韓安平見推昌黎柳少安建議移郡載在集乘豈其無徵今並改爲專傳張登刺郡七載名幾湮沒檢文獻通考得之起家名御史以文學詞賦爲時稱重其官政可知要以世代綿邈紀乘殘闕有所摭拾如吉光片羽無不可珍習掌故者其毋以闕文爲解哉

參軍

許天正 丁 儒 盧如金

許天正汝南人總章己巳奉勅副陳政出鎮泉潮政歿子

元光襲左郎將凡所申請必與許天正討論而後行元光居祖母喪以天正代領泉潮事平惠虔撫之寇置堡三十六所教誨捍禦變椎髻而復倫序嶺海輯寧表陞中奉大夫兼嶺南行軍團練副使天正博學能文軍政之暇未嘗釋卷軍中語曰別駕秀輶文不加點點須成典眎我邦憲元光平潮陽寇題詩曰叅軍許天正是用紀邦勛歷官泉潮團練副使宣威將軍兼翊府記室卒葬香洲之欄馬頭宋時追封昭應侯

今其子孫散處龍溪漳浦南靖詔安

海澄諸處

丁儒字學道先濟陽人徙光州固始總章二年將軍陳政

漳州府志

卷之二十四

宦績一

六

四百二十二

奉詔鎮閩儒通經術喜嘯咏練達世務政與語慕焉引爲軍諮祭酒凡所措置悉與籌畫承詔佐郡任承事郎先是泉潮之間獠蠻出沒無常戍卒阻九龍江之險插柳爲營江當溪海交流兩山夾峙波濤激涌與賊相持至是儒與政謀遣人沿溪而北就上流緩處結筏從間道襲擊走之遂移屯江之西爲進取計且戰且撫追桀寇于盤陀下盡殲之闢土開疆儒有力焉政歿子元光代儒復贊之詔元光以玉鈐衛左郎將爲漳州刺史儒以承事郎叅理州事勸課農氓通工惠商財用以阜蓋自平寇開郡二十餘載儒屢謝事歸閑而其奉檄起任

事者不一後以巡行部落染瘴卒于外漳人思之有頌
陳將軍父子功者輒頌及丁承事嘗自作詩云村黎愛
慕臣誌實也

探丁氏
家譜

盧如金河南光州固始人總章二年從陳政戍閩授府兵
校尉兼領本州司戶叅軍始興建屯營于雲霄脩竹里
與政子元光開拓山林置州漳水之北元光戰歿金率
義兵討之群盜悉潰漳以保全卒葬于連坻山宋紹興
二年追封輔國將軍

今其子孫散處龍溪
之墨場及長泰等處

懷恩縣尉

鍾紹京

漳州府志

卷之二十四

宦績一

七

二百六十二

鍾紹京贛人開元初以善書直鳳閣討韋氏有功夜拜中
書侍郎叅知政事明日進中書令越國公後與劉幽求
俱以怨望得罪再貶懷恩尉嘗賦詩中峯巖增梁山十
二峯爲三十六開元十五年復其官至太子詹事紹京
嗜書畫如王褚真迹藏家至數十百卷壽八十而卒
前志論曰舊志從唐侯五十八姓惟許氏盧氏丁氏
家有譜牒採以立傳其餘姓名出自陳譜建邦啟土
咸有功力故與其過而泯之也寧過而存之因悉載
其名於武職歷官之首以備考

○宋

知州事

朱 熹 方慎從 綦崇禮 廖 剛 胡 銓

李彌遜 劉才邵 鄧邦寧 林孝澤 趙公綱

黃啟宗 趙伯湯 傅伯成 陳 樸 俞亨宗

趙汝諧 莊 夏 危 稹 趙以夫 李 韶

章大任

萬歷癸酉志以朱熹一代大儒故冠于首趙公綱等四人為宋宗室故次之餘俱以年叙癸丑志晦翁仍舊趙公綱等改人叙今仍之

漳州府志

卷之二十四

臣績一

八

二百九十九

朱熹字仲晦其先婺源人徙建陽遂為建陽人公父吏部郎松稱韋

齋先生為松溪縣尉生公于寓舍後以方臘亂不果歸遂家建陽 紹興十八年登進士

第淳熙十六年以直寶文閣學士院除江東運判再辭

改知漳州至任以節民力易風俗為首務先奏除屬縣

無名之賦七百萬減經總制錢四百萬以漳俗未知禮

教首述古今禮律開諭之又採古喪葬嫁娶之儀揭示

父老令解說訓其子弟時即學舍誨誘諸生一如守南

康時公先守南康每五日一詣學為諸生講說郡有賢德者禮以為學官至漳亦然每旬之二日必領官

屬下州學視諸生講小學為正其義六日下縣學亦如之又創受成齋教養武生新射圃時督之射 又擇

士有行義知廉耻者列學職為諸生倡牒延郡士黃樵仲施允壽石洪

慶李唐咨林易簡陳淳楊士訓
及永嘉徐寓八人入學表率
知學錄趙師慮之爲人

首薦之以郡人高登直言忤秦檜貶死容州奏乞褒錄
爲立祠學宮以文祭焉漳舊號佛國男女聚僧廬爲傳
經會女不嫁者私創庵舍以居始嚴禁之俗爲大變嘗
病古經界法不行爲民害日滋乃訪事宜擇委任悉究
丈量諸法條奏以上因言必可行之說三將必至于不
能行之說一蓋謂法行息爭止訟大爲民利而占田隱
稅侵漁貧弱者所不便乃具宣德意榜之通衢邦民欣
躍鼓舞而寓公豪右果爲異議以沮之遂以地震及足
疾不赴錫宴自劾其冬有旨先行漳州經界會南方春

漳州府志

卷之二十四

宦績一

九

四百四十九

旱不及行明年以嗣子喪遂再請奉祠公在漳首尾僅
及一期未至之始吏民間風竦然望若神明及下車蒞
政一以道德正大行之人心肅然以定官曹厲節志而
不敢縱所欲宦族循法度而不敢干以私胥徒易慮而
不敢行姦豪猾斂蹤而不敢冒法郡中訟牒無情者畏
憚而不敢復出平時習浮屠爲傳經禮塔朝嶽之會者
一禁而盡息良家子女入於空門者悉閉精廬歸復人
道奸民多鼠竊自公至未嘗有峻懲者而皆望風屏迹
民無夜警外戶不閉正月維新布孝悌之訓與民更始
凡訟庭所斷必以人倫爲重朞年民安習其化而公已

行矣又嘗病本州鬻鹽深爲民害先罷其瀕海之舖十有一欲俟經界既定然後闔郡而悉除之而志不克遂然所議罷者累政奉承不敢變至今民被其惠也他如罷上元放燈以除慝禮立風雨雷師壇以正常祀省燕約饋寬賦簡役勸農厲兵善政未可悉記自官曹以下出北溪陳淳叙自淳熙至今五百餘載漳民婚娶喪葬率遵家禮郡邑所在春秋祠祀致恪焉輯宋史本傳及北溪叙述舊志論曰徽國文公守吾郡述公行事莫詳于陳安卿氏名儒篤論不至阿其所好且又見而知之者也臨漳區區瀕海一州公之德教甫及朞月而績效光明俊偉

漳州府志

卷之二十四

宦績一

十

四百二十五

如此矣使得盡推行其說假以再歲漳之爲漳又寧止此大抵道之大行其運有待雖聖賢不能違時是以素王攝魯僅閱三月徽國立朝纔四十日而漳民獨蒙大儒周歲之澤其徼惠于造物山川固已侈矣遵用遺教越數百年若金科玉條嗚呼過化存神之妙豈虛語也哉

方慎從字惟之莆田人登進士甲科景祐二年以太常博士知漳州越十五年是爲皇祐初元又以屯田郎中再知漳州慎從初在漳有惠政及再來人夾道歡呼曰吾父復來矣其兄慎言時守泉州旌麾相望二州人榮之

慎從子諫臣從父官于漳合水有蛟爲孽諫臣入水斷蛟而死漳人憐而祠之從以事聞封清水侯見興化府志

綦崇禮字叔度高密人後徙維之北海建炎四年以徽猷閣直學士通直郎知州事屬有巨寇起建州聲撼鄉境崇禮牧民御衆一如常日盜息環城內外安堵如故徙知明州召爲吏部侍郎

廖剛字用中順昌人少從陳瓘楊時學登崇寧五年進士宣和初自漳州司錄除國子錄擢監察御史時蔡京當國剛論奏無所避出知興化軍紹興六年以徽猷閣直學士知漳州漳州多靡婚葬踰制剛首立條約諭之七

漳州府志

卷之二十四

宦績一

十一

四百

年日食詔內外官言事剛言陛下有建國之封而未遂正名是應天之誠未至也宜昭告藝祖正建國儲君之號布告中外不匿厥旨上讀之聳然即召公趨至闕拜御史中丞

胡銓字衡廬陵人紹興間知漳州初爲兵部侍郎時宰相湯思退以張浚和戰異議浚罷政未幾金人犯淮銓上章數秦檜孫近等力主和議之罪由是遣銓措置海道尋改知泉州

李彌遜字似之連江人居吳縣紹興中試戶侍郎言金不可和疏切直與秦檜忤遂乞外九年以徽猷閣直學士

朝請大夫知端州改知漳州州學建自慶歷間當巽隅水自丁入後移易方位科第不興彌遜盡復慶歷舊址建大成殿塑先聖及配享位規制甚備學成壬戌登科者五人顏定肅公與焉諸生相與建崇學祠生祀之十年歸隱連江之西山史稱其憂國無怨懟紹熙中朱文公守漳嘗以文謁其祠曰惟此廟學實公所遷人到于今追頌勞烈矧惟忠慮抑有前聞蓋尚其品也孫韶復知漳州

劉才邵字美中廬陵人宜和間中宏詞科累遷中書舍人兼權直學士院帝稱其能文時宰忌之紹興十六年出

漳州府志

卷之二十四

宦績一

十二

三百九二

知漳州郎城東開渠十有四爲牖與斗門以瀦滙決漑田數千畝民甚德之又建郡治道院兩奉祠二十五年召拜工部侍郎

鄧拜寧字康國邵武人政和五年進士守漳州有聲

見邵武府志

人物志

林孝澤莆田人隆興二年以左朝請郎知漳州初提舉廣東市舶有番嫗爲子求官以珍異賂權貴孝澤言不可權貴人欲遂所私急改知漳州旣至值邊戍還家索添支錢課堂下孝澤曰若輩脅太守欲反耶太守可殺添支不可彊取令回營置爲首者一二於法餘皆帖服孝

澤居官清介物無所取雖官燭不以私用人信其廉乾道二年除廣東提刑

趙公綱宋宗室也系出魏王德雍之後淳熙三年由承議郎知漳州革弊安民初鹽出官粥戶均口率不勝苛擾公綱去官鹽法使民得自貿易公私便之初海濱爲盜設戍及盜旣平而戍不已公綱罷之民以牛酒相賀曰今日乃見太平官府先是郡遣卒督下邑歲供多恃郡侵牟民甚病之公綱乃命郵木匣以往供徭稱便象害民稼民設機弇斃象官府責輸其牙害尤甚適有獻象牙者公綱還之且命自後斃象聽自有其牙於是人爭

漳州府志

卷之二十四

宦績一

十三

四百〇一

斃象而稼得無害廣州學櫺星門修儀門甫成有槐三莖生于堊莖各七葉蓋其祥也又念郡志未脩乃命郡文學李綸訪求諸賢得莆田翁亢三山許楸相與纂脩且告綸曰惟山水城郭宮室風物人材宜書政事不必書其謙退不伐如此

周瑛曰郡志一事自唐垂拱丙戌創州至宋淳熙戊戌歷四百九十三年公綱乃能創始而爲郡志使一郡山川城郭土田財賦守令得失人物賢否悉皆登載以傳諸後使後人有所考據而祖述之此豈建功於一時而已也其惠遠矣

黃啟宗淳熙十一年以朝請郎知漳州詔勞之曰啟宗清廉律已撫字有勞除秘閣脩撰再任續除廣南東路提舉

趙伯暹字致遠宋宗室燕王德昭之後家于晉江乾道中進士第慶元元年以朝請大夫知漳州蠲鬻鹽宿負以其羨錢造浮梁民便之

傅伯成字景初晉江人隆興元年進士慶元初由將作監進大府寺丞嘗言呂祖儉不當以上書貶朱熹大儒不可以僞學目之又言朋黨之弊起于人主好惡之偏坐是不合慶元三年以朝散大夫知漳州以律已愛民爲

漳州府志

卷之二十四

宦績一

十四

二百八十九

本推文公遺意而遵行之創惠民藥局濟民病以革襪鬼之俗自郡而南造橋三十五所治道千二百丈嘗戒富民閉糴有林仁壽者訐其兄有藏鏹可令出穀二百石伯成判曰官司寧可無穀二百石兄弟告訐之風不可長也兩爲部使者遷工部侍郎伯成純實無妄表裏洞達每稱人善不啻己出語及奸人誤國則辭色俱厲嘗慕古人尸諫疏草畢亟命繕寫朝服而逝

陳樸字端行知柔猶子也慶元五年以朝請大夫出知漳州擲浮費五萬代納民丁錢萬七千餘貫官至廣東安撫使

俞亨宗不知何許人嘉泰三年以朝請郎知漳州罷粥鹽免塲河渡等緡錢又以新招廂禁卒增添廩給代民納門丁輸及禁四邑科罰追治其已甚者吏知畏戢嘗言一州一縣常賦自足一州一縣支遣凡前此苛取于民者徒以資不切浮費而已郡計豐約實不在此因以所罷鹽舖及除出撲佃之由詳述本末曰訪求民瘼碑記以告來者

趙汝謫嘉定四年知漳州闢學門廣齋舍造南石橋建城東門奏蠲經總制無名錢五之二六年夏屬司理叅軍方杰重脩嘉定志本唐宋之圖經參淳熙之舊志旁摭

漳州府志

卷之二十四

宦績一

十五

五百四十七

公牘遠採碑碣或文籍所載或故老親傳及耳目所聞見者皆攷其實而銓次之凡三閱月而志成除湖北提

舉以去

正德志云按字書無謫字疑即趙汝謫乃字之誤宋史趙汝謫字蹈中與兄汝談齊名宗室子

以祖恩補承務郎薦監行在石藏西庫兄弟昌言韓侂胄不當逐趙汝愚侂胄斥之坐廢十餘年嘉定元年登進士第遷匠作監簿大理司農丞與史彌遠不合補外攷本傳不言汝謫知漳州而推官黃桂為郡志序稱黃堂寺丞趙公所謂是州去本傳登第之承耶淳祐志言嘉定四年汝謫知是州去本傳登第之承耶淳祐志言讜應薦在先第在後故不久而秉州麾傳不言知漳州者或史家遺落也今作傳其事皆實書而姓名是否汝謫奏蠲五之危稹傳云郡有經總制錢前守趙汝謫

莊夏字子禮泉州人淳熙間進士嘉定六年以朝請郎直秘閣知漳州始建通濟橋及奏罷高荒俵寄產錢民納

苗米聽令自槩量漳民德之遷宗正少卿

危稹字逢吉臨川人初名科及登第孝宗爲更命名嘉定十六年以朝散大夫知漳州漳俗視不葬親爲常往往棲寄僧刹稹命營高燥地爲義塚三責之葬其無主名若有主名而力弗給者官爲葬之凡二千三百有竒刻石以識郡有臨漳臺據溪山最勝處作龍江書院其上旣成橫經自講人用歆動邑令有賄聞者劾去之籍其財以還民郡有經總制無名錢歲五千緡厲民爲甚前守趙汝讜奏蠲五之二至是疏于朝悉罷之會常平使有言稹不與辯自投劾去久之提舉崇禧觀與鄉里耆

漳州府志

卷之二十四

宦績一

十六

四百二十一

艾七人爲眞率會其卒也眞德秀銘其墓

趙以夫字用文長樂人宗室魏王德鈞之後端平元年以朝請郎知漳州始下車鄰寇猝至諸道之兵咸會調度繁夥以夫應之裕如已而生擒渠魁檻車以獻時賞勞吏士費以千萬民不加斂漳民苦丁錢以夫奏以廢寺租代民輸眞德秀深嘉歎之上其事于朝謂漳州此舉可爲分符守土者法詔從之罷粥鹽議行募役法却報恩塔會凡所施行各有至理

李韶字元善彌遜曾孫也嘉熙元年疏乞還魏了翁及劾內侍女冠不聽因乞外以集英殿脩撰知漳州捐俸置

學田創虎渡石橋治以廉平稱民號爲李生佛時朝廷遣使諸路稱提官楮詔又上疏極言其弊四年遷禮部侍郎辭不允詔趣赴闕先是彌遜以戶部侍郎知漳至是詔亦以禮部侍郎赴召漳人誦之曰方千里內一太守二百年間兩侍郎

章大任金華人淳祐八年以朝散郎知漳州興利除害疏導學校貢院水溝壅塞浚官渠脩四門城重建南樓正籌漏除山寇懲鼠竊均鹽船助募役田增置備安庫重新公使庫置威惠廟又從教授趙崇瑋之請纂脩郡志民生祠之

漳州府志

卷之二十四

宦績一

十七

二百六十一

舊志論曰漳名郡守至宋而盛前乎紫陽若廖剛從遊龜山胡銓李彌遜抗言和議皆名賢也嗣紫陽後傅伯成諸君子踵芳紹美斌斌已當時病民莫甚于經總制錢更數賢陳奏乃悉罷之信知同心爲民雖積弊膠固未有不可剷除者趙公綱等四人均以宗英爲時名牧詩稱宗子維城何以加焉

通判

柯述 黃琮

柯述熙寧九年以屯田員外郎通判漳州救饑得民有雙鵲棲其廳事逮去鵲亦送之漳人異焉眉山蘇軾爲賦

異鵲詩詩見古蹟注

黃琮宣和六年以承議郎通判漳州時鄉人方翼為守琮與之可否相濟卒成美政會金人南下命琮統督建劍士兵以備攻守尋更鹽法

判官

蔡襄

蔡襄字君謨仙遊人天聖八年進士筮仕漳州軍事判宜精吏事談笑剖決破奸發隱吏不能欺而鎮以簡靜公餘吟詠最多及為福建轉運使奏免興泉漳三州軍丁口賦之半及自大義渡至漳城道旁植松七百里民作

漳州府志

卷之二十四

宦績一

十八

二百五十五

歌頌之朱文公刺州日常以文謁其祠云

惟公忠信著自中朝筮仕

之初嘗屈茲郡歲時雖久稱思未忘厥有遺祠英靈如在烹雖不敏實仰高風泣事之初敬脩禮謁

推官

彭汝礪

彭汝礪字器資番陽人治平二年舉進士第一歷漳州軍事推官有能名王安石見其所著詩義薦補國子直講

參軍

趙師慮

趙善綽

趙偕夫

蔡次傳

趙師慮宗室子秦王德芳之後為漳州錄事參軍履行深醇持心明恕文公刺州日熟聞其為人及試之政事皆

得其實首薦之州人心服

通志人物併載今止載于名宦

趙善綽宗室商王元汾之後漳州通判不敵之子也慶元丙辰任漳州司理叅軍嘗有屬邑鹺商爲群殺人內二囚曰陳十三同姓名異首從吏受賄故出入之獄成下左院善綽引囚訊問反其獄力爭于郡不聽投印去守改容謝之囚得白在郡三年無私交惟與兆溪陳淳遊秩滿北溪序以送之

趙偕夫宗室魏王德隆之後乙丑進士嘉定間任漳州司法叅軍有惠政捐俸營廳署清源劉元剛爲記稱其知識才力明決敏給俾得盡見千事功當不止此

漳州府志

卷之二十四

宦績一

十九

二百六十六

蔡次傳寶慶初任漳州司戶叅軍雅爲危守積所器延之僉幕嘗餉以私錢不受以建公廳

工曹

陳可大

陳可大字齊賢仙遊人政和中登科調漳州工曹兼右推時龍巖上死罪強盜七人力辯其非辜得不死改知長樂縣大脩陂塘縣人立碑紀其德政後知肇慶府官終朝請大夫

舊志論曰宋郡倅率用京朝官進士下及叅曹亦多慎選故其人間可稱述蔡君謨一代名賢起家軍享

判官實在吾郡舊有祠在廳事文公所嘗脩謁也今
廳事移而祠亦廢景行謂何所當一議創復者

知龍溪縣事

林 迪 翁德廣

林迪字吉夫興化人政和三年以奉議郎知龍溪平易近
民秩滿民乞留任凡九載蔡京林出也嘗求交於迪謝
不往其大節如此

翁德廣建寧人淳熙十五年以朝奉郎知龍溪剛直敏練
縣所解徒流以上委曲難問必盡獄情司理院再行審
鞫卒無所異案牘盈堵隨事處斷終朝立盡縣財賦浩

漳州府志

卷之二十四

宦績一

二十一

二百四十三

繁八郡經費賴以取足德廣從容應辦用足民安時朱文
公守漳疏子朝稱德廣庶幾古之循吏人以爲不愧云
縣尉

李 熙

李熙字子明侍郎彌遜子也性廉仁明敏長于理劇乾道
間以人才舉任龍溪縣尉統旗軍監福河福河當三江
之會萑苻出沒民甚苦之熙政令嚴肅風聲所至狐鼠
潛遁一方以寧乃擴其署偏爲祠祀父忠肅彌遜及胡
忠簡銓每月朔集耆老講忠孝民大感悅淳熙元年卒

千官

採福河李氏
家譜補入

知漳浦縣事

呂 璫 傅希龍 沈 造 陳舜申 趙師縉

呂璫字季玉晉江人景祐間以進士知漳浦時縣治山林蒙翳璫教民焚燎而耕建學擇師作養人士汀虔寇發璫募民爲兵教以攻守之法賊不敢犯境有虎患璫設弇以待之祝曰暴吾民者入吾弇三日虎自投弇既去民祠之後官至光祿卿

傅希龍字廷允仙遊人待制楫之從子也登元祐進士知漳浦作興文教鑿河引潮水自鹿溪入達泮池人呼爲傅公河浦人登第日盛性鯁直不附二蔡終本縣令

漳州府志

卷之二十四

宦績一

二十一

二百七十四

沈造字次仲浙江縉雲人知漳浦有善政時海寇將入境聞造政聲悉引去

陳舜申字宋謨連江人七歲能屬文登淳熙進士歷衡陽秭歸教授遷知漳浦問民疾苦多所建置部使者行縣覈治狀以聞入爲著作郎輸對以正心任人爲先直而不訐上皆嘉納後有忌之者主管武夷冲祐觀起叅淮闕未赴卒

趙師縉不詳何許人紹定間知漳浦先是學宮災師縉至易坎山爲亥重建之以應堪輿是年膺薦者八人科第自此寢盛邑郭西有古陂受西來諸山水闕久枯落闢

而治之沿陂爲堤立斗門以資蓄洩度陂之廣可五百一十五丈漑民田難頃計後爲旁湖居民所侵萬歷間知縣房寰按圖追復官收其利爲公費申請當道立祠湖上祀之

知長泰縣事

黃 穎 王 序

黃穎字仲實莆田人嘗就學陳襄元祐間舉經明行脩科天下弗應者二人穎其一也哲宗間穎所以弗應襄時爲中丞乃疏穎學行以對帝降袍笏就其家起之更三期母趣之乃行初調清溪尉歷劍浦簿郡守方金薦改

漳州府志

卷之二十四

宦績一

二十二

二百五十四

官穎力辭轉知長泰脩治學舍晨興理縣事日中與諸生考古今論義理逮暮廼歸宋職官皆有田穎以職田未徵穀三百石皆以與耕民尋權龍溪尉卒其子公坦有父操兩縣士民賚金帛爲賻公坦一無所受

公坦宣和六年

登進士第
官通直郎

王序字景禮晉江人咸淳間進士授龍溪尉歷知長泰清脩自勵方正不同時郡僉幕預徵大禮銀及打量田土文檄甚峻序白郡力爭之郡守愈加敬任後攝守惠州民戴之若父母宋亡不仕徜徉終身

縣丞

儲惇叙

儲惇叙字彥倫晉江人崇寧末進士調龍溪丞有善政民信愛之擢知寧德民爲立祠後通判賀州歷官三十餘年以清節著有詩文號玉泉集

主簿

王 濟 方 壬

王濟字巨川政和元年初召試學士院補龍溪主簿時調福建輸鶴翎爲箭羽鶴不多得而有司督責殊急一羽至數百錢民甚苦之濟諭民以鵝翎代輸仍驛奏其事詔從之令旁郡悉如濟所陳邑有陂塘數百頃先爲里

漳州府志

卷之二十四

宦績一

二十三

二百六十六

豪包課而專其利濟悉取之引水以灌民田田無曠患汀州以銀冶構訟十年不決逮獄至數百人轉運使命濟鞫之一訊盡得其情坐者數人而已後遷光祿寺丞官至江西路安撫使

方壬字若水莆田人嘗遊太學過建安必謁朱晦翁熙寧十四年登進士第調長泰主簿時晦翁刺漳州辟主學事以壬所上講說課義等十事令屬邑倣之學舊取陂塘錢廩士壬以學校道義之地不可納無名之賦請以廢寺租代之又請蠲僧寺子斗錢罷科茶錢皆如其言及晦翁召還出大學章句付壬刊示學者明年龍巖有

卒殺人獄吏抑伏同行者罪漳浦有僧斃于佃家鞠驗者皆云服毒郡委按狀壬覈實抵卒及佃罪晦翁聞之貽書曰龍巖之行使無罪者不以冤死有罪者無所逃刑非細事也秩滿除知寧都縣萬歷間令方應時請從祀朱文公祠

縣尉

魏郁

魏郁字周文南平人少游學京師中上庠及登第建炎中補漳浦尉適洞蠻竊發朝命招撫之郁被檄先往數日朝命不至蠻以爲誑已使立兩中窘辱之毅然不少屈

漳州府志

卷之二十四

宦績一

二十四

二百三十三

後洞蠻得命悅甚厚宴之餽以白金五百良馬二郁不受

教授

陳知柔 敖陶孫

陳知柔字體仁永春人紹興壬戌進士二十六年爲漳州教授嘗題諸學官名氏于壁朱文公爲同安簿以公事持檄至漳知柔館之文公因爲之記又立先賢祠而自爲記知柔與秦檜子熺故同榜也檜顓國凡熺同榜人皆拔援貴顯知柔獨齟齬不合仕終安撫司叅議雅好山水盛年從仕已動歸興因自號休齋有集行于世

敖陶孫字器之福清人慶元己未進士嘉定四年爲漳州教授州學租爲人所侵占者歸之學門淺陋者闢之時趙汝讜作守郡志未備請趙脩之是爲嘉定志汝讜待以賓禮于郡圃闢一門通學廳以便往來陶孫少儻有大志爲文援筆立就弱冠入太學韓侂胄用事貶逐朱熹陶孫首以詩送之趙丞相汝愚以謫死陶孫哭之以詩云左手旋乾右轉坤羣公相煽動流言不免孤忠賴有史長存九腹終天弔屈原一死固知公不免孤忠賴有史長存九腹若遇韓忠獻休說渠家末代孫詩仕終溫陵僉判有臞成揭于通衢侂胄聞之亦不之罪庵集行于世

舊志論曰令最親民得其人而百里蒙福焉漳循良至宋而盛舊乘所載止林廸以下十數人蓋慎重之也宋

漳州府志

卷之二十四

宦績一

二十五

四百〇三

進士初試多爲主簿故王濟方任俱有聲于時兩教授當秦韓權相時俱不附炎斯閭修篤行君子哉

○元

漳州路達魯花赤

要忽難 迭理彌實

要忽難至元中爲漳州路達魯花赤築城以備不虞保民以安其業民至今德之

迭理彌實字子初合魯溫氏西域人也性剛介事母至孝至元末爲漳州路達魯花赤時陳有定初取漳命張理

問者爲總制官民苦腴剥迭理彌實釐正庶務興利鋤害民用少康丁未明師取閩次及漳迭理彌實方圖守禦守將領軍先遁統制官已送欵及招諭使入境或勸當郊迎迭理彌實具朝服北面再拜曰臣受國恩厚矣今力不能支報國惟有死耳遂引斧椎刺血書笏曰大元臣子置案上自刎死猶執刀據坐毅然如生州人聞之會哭中庭聲震地乃相與具棺斂屍葬東門外歲久墳圯爲人所侵成化五年按察副使何喬新觀風至漳迭氏元孫朝輔言狀乃爲復之達祠墳所立石以紀其事立楔于通衢扁曰表忠

漳州府志

卷之二十四

宦績一

二十六

二百七十二

總管

張泉逸 金 璵 羅 良

張泉逸延祐中爲漳州路總管寬以恤民嚴以馭吏以興學校爲己任事簡民安翕然向化

金璵後至元初爲漳州路總管淳厚廉謹吏不敢欺百廢具舉

羅良字彥溫汀州長汀人少負俊才善謀畧至元四年南勝賊李志甫圍漳州守將搆思監與戰失利良傾貲募義兵從江淞平章別不花討志甫平之論功奏授長汀尉至正十一年因擒龍溪反囚駐漳州未幾南勝畚寇

吳仲海等繼發江西詹天驥掠邊境良悉討平之陞漳州新翼萬戶用兵專以設伏取勝以弧矢威敵遠近盜賊皆畏其名十三年寇逼福州平章燕只不花徵良兵良率兵千餘人沿海道晝夜兼行至城下令以藥弩射之中者立死賊視其矢驚曰漳州羅萬戶軍也何以至此卽駭散遁去平章開城勞師復奏授黃金符印其後平安溪西林諸賊陞資善大夫行中書省叅知政事仍鎮漳州二十三年討潮賊陳國珍兵至潮陽連戰俱捷國珍南奔良襲殺之悉平其黨陞資政大夫福建行省右丞廣東道宣慰使又以樓船載糧沿海道直抵遼東

漳州府志

卷之二十四

宦績一

二十七

四百四十个

給行在軍餉上嘉其忠解衣賜之進光祿大夫兼管內勸農防禦事世襲漳州路總管柱國晉國公疏封其三代二十六年陳有定據福建攻諸郡兵勢甚張遠邇聞風投欵良獨貽書責之大畧謂汀州之復不可以功自恣燕只不花不可以威逼今乃破郡邑爲家貲驅官僚爲臣僕口雖爲國心實爲私凡百餘言詞甚剴切有定怒大發兵攻良良使三千人操弩矢設伏江東以待之且誠曰但有他警慎勿輕移汛地俄而有定兵攻滄海佯言欲奪海舟趨潮直下千戶長張石古等違良節制悉兵赴之有定兵遂渡柳營江良迎戰於馬岐山敗績

遂圍漳城連攻旬日良下令示以死守先是有百戶長
盧積者因行軍失律良以法誅之其子善徵驍勇復置
之幕下時使領北城軍善徵陰與有定兵約為內應遂
開北門以叛有定兵入市良巷戰而死其繼室陳氏名
德金聞良戰死即自投後園池內及二婢俱從死其弟
萬戶羅三亦罵賊不絕口死良長子安賓將兵救父眾
散亦自刎壯士從良死者百餘人有定義其忠節不掠
其後命瘞良屍後良葬于西渡頭郡人哀陳氏之死相
與舁葬于綠江之濱呼為烈婦塚良子八人安賓死餘
俱衰絕惟第七子金剛相字尚庸者有後今其子孫散

漳州府志

卷之二十四

宦績一

二十八

五百五十六

處龍溪云

按吳朴紀畧云良守漳坊周先生祠宇樽節浮

費育材養士民有控愬剖決疏理不曾凝滯定賦役編
其戶之上第其產之豐薄不貸豪右不暱親舊貧富
均平吏胥絕弊鄰郡有流移來歸者必存撫而衣食樓
課農桑田地無有蒿萊風雨應期年屢大有又作譙樓
遷驛舍築城隍作柳營江石橋脩唐將軍祠并南嶽
浮屠老氏寺觀古跡皆出公田粟私帑金又以南詔場
肇置屯田未署官吏千發兵屯守民以病乃疏請于
朝設屯田萬戶府置吏千五百長給印章空名宣勅俾得
擇人任用於是選吏士立部伍定賞給分田賜牛寓兵
于農入耕出戰要衝置戍營壘聯絡軍無多取人無遠
輸食足兵強
邊威大振

前志論曰羅良起布衣為國宣力平郡盜位列公侯偉
哉丈夫矣顧其足多者不獨戰功良守漳脩舉廢墜師
武民安責陳有定一書凜然君臣大義有定弗自懲艾

斷其舌以死

揭記作戰死

王氏出視夫爲賊所執欲室之王

氏給曰葬吾夫卽汝從賊爲積薪焚屍王氏赴火以死
後本路上其事詔卽其故營立烈女坊後漳人并文興
事言之不置乃下太常定封謚封闕文興英毅侯王氏
貞烈夫人立雙節廟東門外有司春秋致祭

縣達魯花赤

買撤都刺

買撤都刺至正十五年爲漳浦達魯花赤存心愛民廉而
有守勤而不廢時縣無堅城賊至棄遯不敢守買撤都
刺以石築之邑賴以全後没于官民立祠祀之樹坊曰

漳州府志

卷之二十四

宦績一

三十

二百二十五

懷德

縣尹

唐大年

鄧朝陽

蔡

淳

勿都火者

扈

海

韓景晦

唐大年以行省知事至正八年攝龍溪尹寬以愛民毅以
任重吏不敢欺以私民不敢違其令

鄧朝陽至正十一年任龍溪尹以興利除害爲務擇學行
之士使爲鄉師以教民革其獷悍之俗民畏懷之

蔡淳龍溪人

志作長泰人

宋治中君澤之後以蔭補香洲務官

元至正五年賊萬貴與嘉禾千戶何廸立叛寇漳泉二

郡漳州路高指揮薦淳武勇與兵三千人遣擊賊賊益
兵圍之三匝總管遣兵赴援淳從寨中夾擊大破之餘
黨悉平行省上其功陞攝長泰尹十四年寇李角車叛
淳單騎諭之賊歸歛事聞封正尹世襲焉

勿都火者字明卿始以却契丹進歷任古田主簿藩司斷
事經歷至正己亥一作己丑廉訪使以便宜行事署火者攝
長泰縣明年夏入貢京師得實授縣尹爲人廉介精明
不避權幸鋤强梗植善良工役以時百廢俱舉郡知事
張邦翰作政績碑以述其美焉

扈海字巨源衛輝人至正一作至元中爲南靖縣尹興學校均

漳州府志

卷之二十四

宦績一

三十一

二百八十三

徭役撫字勤勞政清訟簡時畚寇煽亂海屹不爲動賊
夜入海罵曰尹承王命父母汝也汝欲殺父母耶賊駭
散屏迹及解任民爲立去思碑

韓景晦至正中爲南靖縣尹初至值畚寇亂又苦瘴癘請
于朝徙縣治于雙溪改南勝爲南靖完城堡以奠民居
興學校以勵風俗政平訟簡民至今思之

主簿

陳文積

陳文積福寧州人至正間以蔭叙任長泰主簿公平謹慎
守己愛民常脩邑城以固保障御史王天智有新城記

美其事

周瑛論曰元祚歷九十三年以郡志弗脩而累政君子行事皆無所考若烏古孫良正買撤都刺勿都火者之循良扈海之靜鎮迭理彌實闕文興蔡淳之忠勇皆其良也故特表而出之

漳州府志

卷之二十四

宦績一

三十二

一百〇四

漳州府志卷之二十四終